



Вазирлигининг 2021 йил “3” май даги
208 -сон буйруғига 11-илова

“Маънавият фидойиси” кўрик-танловининг НИЗОМИ

I. Умумий қоидалар

1. Мазкур танлов Олий ва ўрта махсус таълим вазирлиги тизимида маънавий-маърифий ишларнинг янги тизимини яратиш бўйича 2021 йил биринчи ярим йиллиги учун “ЙЎЛ ХАРИТАСИ”нинг (2021 йил 28 январда тасдиқланган) 19-бандида белгиланган вазифалар ижросини таъминлаш мақсадида ташкил этилади.

2. Олий таълим таълим муассасаларининг ёшлар билан ишлаш, маънавият ва маърифат бўлими бошлиғи, бўлим услубчиси ҳамда ёшлар билан ишлаш бўйича декан ўринбосарлари кўрик-танлов иштирокчилари (кейинги ўринларда иштирокчилар) ҳисобланади.

3. Танловнинг олий таълим муассасаси босқичларини ташкил этиш ва ўтказиш жараёни олий таълим муассасаларининг Ёшлар масалалари ва маънавий-маърифий ишлар бўйича проректор томонидан амалга оширилади.

4. Кўрик-танловни ташкил этиш ва ўтказишда қонунийлик, ошкоралик, адолатлилик, тенглик каби асосий принципларга риоя қилиш мажбурийдир.

II. Танловнинг мақсад ва вазифалари

5. Танловнинг асосий мақсади – Олий таълим муассасаларида маънавий-маърифий ишларнинг таъсирчанлигини ошириш, соҳада фаолият кўрсатаётган кадрларни, айниқса ёшларнинг интеллектуал салоҳияти, онгу тафаккури ва дунёқарашини юксалтириш, мафкуравий иммунитетини мустаҳкамлаш, ички ва ташқи таҳдид ҳамда хавф-хатарларга қарши самарали курашишнинг замонавий усуллари ўргатиш, маънавий-маърифий ишларни ташкил этишнинг янгича механизмларини яратиш фаолиятига яқиндан қўмаклашишдан иборат.

6. Танловнинг асосий мақсадидан келиб чиқиб, қуйидаги вазифаларни кўзда тутади:

маънавиятнинг мазмун-моҳияти, миллий маънавиятимизнинг қадимий илдизлари, ноёб ва бетакрор намуналари, бугунги кундаги ривожланиш тамойиллари ҳақида аниқ мақсадга қаратилган тарғибот ишларини мунтазам равишда олиб бориш;

аҳолининг кенг қатламлари, авваламбор, ёшлар ўртасида Ватанга муҳаббат ва садоқат, инсонпарварлик фазилатларини тарбиялаш, миллий урф-одат, анъана ва қадриятларнинг ҳаётимиздаги ўрни ва аҳамиятини ҳар томонлама очиқ беришга йўналтирилган суҳбат ва учрашувлар, маърифий тадбирлар орқали фуқароларимиз руҳига сингдириш;

бугунги кунда амалга оширилаётган, давлат сиёсатининг устувор йўналишлари, кенг қўламли ислохотларнинг моҳияти, қабул қилинган қонун ҳужжатлари ва давлат дастурларининг аҳамиятини атрофлича шарҳлаш ва тушунтириш, юртимизга қарши ғоявий ва информацион хуружлар, улар ортида турган кучларнинг ғаразли мақсадларини фош қилиш, одамларни ҳушёрлик ва огоҳликка даъват этиш, олимлар, сиёсатчи ва мутахассислар, ижодкор зиёлилар иштирокида жойларда самарали тарғибот тизимини йўлга қўйиш;

ота-она, оила ва маҳалла, тарихий хотира, миллий ғурур, комил инсон тарбияси билан боғлиқ тўйгу ва тушунчаларни ёш авлод қалби ва онгига таъсирчан усул-усуллар орқали сингдириш, аجدодларимизнинг бу борадаги меросини бугунги

тараққиёт талаблари билан узвий ҳолда ривожлантириш, тарғибот ишларини миллий ва умумбашарий кадриятлар уйғунлиги асосида ташкил этиш орқали халқ онгида Ватанга меҳр-муҳаббат руҳини шакллантириш.

III. Танловни ўтказиш босқичи ва муддатлари

7. “Маънавият фидойиси” мавзусидаги танлов уч босқичда ўтказилади.

Биринчи босқич – олий таълим муассасаси микёсида факультетлар ўртасида жорий йил май ойининг 10-20 кунлари ўтказилади. Мазкур босқичда ғолиб бўлган бир нафар иштирокчи кейинги босқичда иштирок этиш имкониятини қўлга киритади.

Иккинчи босқич – Қорақалпоғистон республикаси, вилоятлар ва Тошкент шаҳрида жойлашган олий таълим муассасалари ўртасида май ойининг 21-29 кунлари ўтказилади.

Учинчи босқич (якуний) – республика олий таълим муассасалари ғолиблари ўртасида жорий йил июнь ойининг 2-10 кунлари ўтказилади.

8. Худудларда танловни ташкил этиш ва ўтказиш бўйича Ишчи гуруҳ таркибига худуддаги ҳар бир олий таълим муассасалари келишган ҳолда Ҳакамлар ҳайъати жамоасини шакллантиради.

IV. Танловни ташкил этиш ва ўтказиш

9. Танловнинг саралаш ва худудий босқичларини ташкил этиш ва ўтказиш бўйича Ишчи гуруҳлари ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар ҳайъати тузилади. Танлов иштирокчилари мазкур Ҳакамлар ҳайъати томонидан танлов шартлари ва мезонлари асосида баҳоланади. Ишчи гуруҳларга танловнинг саралаш ва худудий босқичларини ўтказилиши белгиланган олий таълим муассасалари ректорлари раҳбарлик қилади ҳамда юқори савияда тақшил этилишига шахсан масъул ҳисобланади.

10. Танловнинг саралаш босқичи ўтказилган олий таълим муассасаси томонидан танлов якунлари бўйича ҳужжатлар худудий босқич ўтказиладиган олий таълим муассасасига танлов ўтганидан сўнг икки кун муддатда етказилади.

11. Танловнинг учинчи(якуний) босқичини ташкил этиш ва ўтказиш ишлари Олий ва ўрта махсус таълим вазирлигининг Ишчи гуруҳи томонидан амалга оширилади. Яуний босқич ғолибларини аниқлаш бўйича Ҳакамлар ҳайъати тузилади. Ҳайъат таркибига тегишли вазирлик, идора ва ташкилотларнинг вакиллари ва соҳа бўйича етук мутахассислар жалб этилиши мумкин.

12. Худудий босқичда ғолиб бўлган 1 нафар номзоднинг ҳужжатлари вазирлик Ишчи гуруҳига танлов ўтганидан сўнг икки кун муддатда (вазирлик ҳузуридаги Маънавият ва маърифат марказига Д.Абдуллаева тел: 97 149-73-10) тақдим этилади.

13. Кўрик-танлов иштирокчилари фаолиятини баҳолашда номзоднинг: миллий ғоя тарғиботи ва маънавий-маърифий ишлар бўйича фаолиятига доир дастурлари, режалари, уларда белгиланган вазифаларнинг амалга оширилганини тасдиқлайдиган жамоатчилик фикри, ҳужжатлар сифати;

ўтказилаётган ғоявий-мафкуравий, маънавий-маърифий тадбирлар жанрлари (анжуман, семинар, дебат, маъруза, учрашув, суҳбат, баҳс-мунозара ва ҳоказолар) ранг-баранглиги;

ўтказилаётган тадбирлар мавзулари хилма-хиллиги, долзарблиги, маъруза матнлари таҳлили;

ўзи ўтказаетган тадбирлар йўналишига малакавий (маълумоти, мутахассислиги) жиҳатдан мос келиши;

ғоявий-мафкуравий, маънавий-маърифий тарғибот юзасидан малака ошириш курсларида ўқиганлиги;

оммавий ахборот воситаларидаги фаоллиги даражаси, чиқишларининг умумий савияси, долзарблиги, таъсирчанлиги;

нуткий маҳорати, таъсирчанликка эришиш йўлидаги изланишлари, тажрибаси ва ўзига хослиги;

хайъат аъзолари ҳузуридаги намунавий чиқишида мамлакатимиз ва жаҳон ижтимоий-сиёсий ҳаётидаги энг сўнгги маълумотлардан оқилона фойдалана олиш санъати;

ёшлар аудиториясида нуткий маҳорати, ёшлар муаммосини чуқур билиши, уларда ташаббускорлик, фидойилик, ватанпарварлик ва миллий ғурур туйғуларини шакллантиришга ёндашиши;

маҳаллаларда улкан ҳаётий ва амалий тарғибот тажрибасига эга отахон ва онахонларни жалб этиши, уларнинг билими, тарғибот ва нутқ маҳоратига баҳо бериши;

чиқишида замон ва макон уйғунлиги, жумладан, ёритаётган мавзунининг ўзи яшаб турган минтақа ё ҳудуд ҳаёти билан бевосита боғлиқлиги даражаси;

тарғиботда кўргазмали воситалардан фойдалангани ва уларнинг замонавий услубларда тайёрланган-тайёрланмагани;

ўз чиқишида тарғиботнинг қандай усул ва услубларидан, хусусан, замонавий таъсир воситаларидан фойдалана олиш маҳоратини белгилашдан келиб чиқилади.

V. Танлов ғолибларини тақдирлаш

14. Танловнинг биринчи ва иккинчи босқичида юқори ўринни эгаллаган номзодлар олий таълим муассасаси томонидан махсус диплом ва қимматбаҳо совғалар, шунингдек, танловда фаол иштирок этган номзодлар таълим муассасасининг фахрий ёрлиқлари билан тақдирланади. Юқори 1-ўринни эгаллаган номзодларнинг иш фаолияти таълим муассасаси веб-сайтлари, газета ва журналларида ёритилади.

15. Танлов бўйича учинчи босқичда ғолиб бўлган номзодлар Олий ва ўрта махсус таълим вазирлигининг фахрий ёрлиги ҳамда куйидаги тартибда пул маблағлари билан рағбатлантирилади:

1-ўрин – 3 000 000 (уч миллион) сўм;

2-ўрин – 2 000 000 (икки миллион) сўм;

3-ўрин – 1 000 000 (бир миллион) сўм.

16. Учинчи босқичда ғолиб бўлган номзодларни рағбатлантириш Олий ва ўрта махсус таълим вазирлигининг Олий таълим муассасаларини ривожлантириш жамғармаси ҳисобидан молиялаштирилади.

VI. Якуний қоидалар

17. Танловга келиб тушган ҳужжатлар конун ҳужжатларида белгиланган тартибда 1 йил мuddат давомида сақланади.

18. Танлов иштирокчиси (бошқа шахс) томонидан танловнинг якуний босқичини ташкил этиш ва ўтказиш, шунингдек, унинг натижаси билан боғлиқ муурожаат(эътироз)лар қабул қилинмайди.